

تدري مايك يا نهر شلون خليت أبو السجاد عطشان

منبعك يمتى يفرات يهز مايه الخجل
تجري عجه شلون قلبك صخر مثل الجبل
يا عظم ما تحمله
شلون خليت أبو السجاد عطشان

طاوعك قلبك الى اليوم يصب مايك نهر
والله قاسي ما شفت مثلك إيمرّ الدهر
ما أظن تملك عذر
شلون خليت أبو السجاد عطشان

ما كسر قلبك ينهر الألم قلب الشهيد
شلون إيده مدها للماي ولتمد لجه إيده
مقطع ويجري الدمه
شلون خليت أبو السجاد عطشان

چم طفل يا شط لفرات هلك عند الحرم
يا دخيل الله دخف عليهم كل ألم
خل جروفك سايله
شلون خليت أبو السجاد عطشان

شلون عايش وأنته يا ماي شريك إبهالمصاب
والله ما تستاهل إسمك ولا حتى سراب
شلون تهني بالعمر
شلون خليت أبو السجاد عطشان